

ხელშეკრულება N3-65
სახელმწიფო შესყიდვის შესახებ
(გამარტივებული შესყიდვა)

ერთი მხრივ სსიპ „ახალგაზრდობის სააგენტო“, შემდგომში - შემსყიდველი, წარმოდგენილი სააგენტოს ხელმძღვანელის რევაზ ჩარკვიანის სახით და მეორე მხრივ მხრივ შპს „ბრიკო კავკასუსი“, წარმოდგენილი მისი დირექტორის მამუკა დოლიძის სახით ორივე ერთად წოდებული როგორც „მხარეები“, ვმოქმედებთ, რა საქართველოს კანონმდებლობისა და „სახელმწიფო შესყიდვების შესახებ“ საქართველოს კანონის შესაბამისად, ამავე კანონის მე-3 მუხლის პირველი პუნქტის „ს“ ქვეპუნქტის, შემსყიდველი ორგანიზაციის პროგრამების მართვის დეპარტამენტის II კატეგ. უფროსი სპეციალისტის (ახალგაზრდული ღონისძიებების მიმართულებით) მაკა ზურაბიშვილის 2020 წლის 18 დეკემბრის N02/1593 მოხსენებითი ბარათის და ადმინისტრაციული დეპარტამენტის I კატეგ. უფროსი სპეციალისტის (მატერიალური რესურსების მართვა) გიორგი ბერიძის 2020 წლის 23 დეკემბრის N02/1721 მოხსენებითი ბარათის საფუძველზე ვდებთ წინამდებარე ხელშეკრულებას:

მუხლი 1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვს იგივე მნიშვნელობა, რაც სახელმწიფო შესყიდვების შესახებ კანონსა და მის საფუძველზე გამოცემულ სხვა კანონქვემდებარე ნორმატიულ აქტებში.

მუხლი 2. ხელშეკრულების საგანი

2.1 წინამდებარე ხელშეკრულების საგანს წარმოადგენს მიმწოდებლის მიერ სსიპ „ახალგაზრდობის სააგენტოს“ მიერ ახალგაზრდული ღონისძიებების ხელშეწყობის პროგრამის ფარგლებში „ახალგაზრდობის შესაძლებლობების განვითარების მხარდაჭერის“ მე-6 ქვეპროგრამის ხელშეწყობის მიზნით, ონკანების (CPV44411100-ონკანები) მიწოდება - შემდგომში საქონელი.

2.2. ხელშეკრულებით გათვალისწინებული საქონლის ზუსტი აღწერა და რაოდენობა მოცემულია დანართ N1-ში, რომელიც წარმოადგენს ხელშეკრულების განუყოფელ ნაწილს.

მუხლი 3. ხელშეკრულების ღირებულება

3.1 ხელშეკრულების ღირებულება შეადგენს **823.53 (რვაას ოცდასამი ლარი და ორმოცდაცამეტი თეთრი) ლარს, დღგ-ს ჩათვლით.**

3.2 საქონლის ერთეულისა და საერთო ღირებულება განსაზღვრულია წინამდებარე ხელშეკრულების დანართი N1-ით.

3.3. ხელშეკრულების ღირებულება მოიცავს, როგორც მისაწოდებელი საქონლის ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ ყველა გადასახადს.

მუხლი 4. შესყიდვის ობიექტის მიწოდების ვადა

4.1. საქონლის მიწოდება უნდა განხორციელდეს ამ ხელშეკრულებით გათვალისწინებული პირობებისა და ხელშეკრულებით გათვალისწინებული დანართ(ებ)ის შესაბამისად არაუგვიანეს ხელშეკრულების გაფორმებიდან 2 (ორი) სამუშაო დღის ვადაში.

მუხლი 5. მხარეთა უფლებები და მოვალეობები

5.1. შემსყიდველი უფლებამოსილია

ა) საქონლის მიწოდების დროს განახორციელოს საქონლის ხარისხისა და სხვა პირობების წინამდებარე ხელშეკრულების პირობებთან შესაბამისობის ინსპექტირება;

ბ) მოთხოვოს მიმწოდებელს წინამდებარე ხელშეკრულების ჯეროვანი, დროული და კეთილსინდისიერი შესრულება.

5.2. შემსყიდველი ვალდებულია:

ა) უზრუნველყოს მიწოდებული საქონლის ღირებულების ანაზღაურება ხელშეკრულებით გათვალისწინებულ ვადებში;

ბ) უზრუნველყოს ხელშეკრულების პირობების შესრულების კონტროლი;

გ) განახორციელოს ამ ხელშეკრულებით მასზე დაკისრებული სხვა ვალდებულებები.

5.3. მიმწოდებელი უფლებამოსილია:

ა) მოთხოვოს შემსყიდველს მიწოდებული საქონლის ღირებულების ანაზღაურება ხელშეკრულებით გათვალისწინებულ ვადებში.

5.4. მიმწოდებელი ვალდებულია:

- ა) უზრუნველყოს ხელშეკრულებით გათვალისწინებული უფლებრივად და ნივთობრივად უნაკლო, ახალი, ექსპლუატაციაში არმყოფი საქონლის მიწოდება;
- ბ) დაიცვას წინამდებარე ხელშეკრულების პირობები;
- გ) აუნაზღაუროს შემსყიდველს მისი ბრალეულობით გამოწვეული ნებისმიერი სახის მატერიალური და არამატერიალური ზიანი;
- დ) დროულად განიხილოს შემსყიდველის დასაბუთებული პრეტენზიები და მიაწოდოს მოტივირებული პასუხი ყველა საკითხზე;
- ე) არ გადასცეს მესამე მხარეს ამ ხელშეკრულებით განსაზღვრული უფლებები და ვალდებულებები შემსყიდველთან შეთანხმების გარეშე.

მუხლი 6. ხარისხი

6.1. ხელშეკრულების მე-2 მუხლით გათვალისწინებული საქონელი უნდა შეესაბამებოდეს მსგავსი საქონლისათვის უკვე არსებულ სტანდარტებს და შემსყიდველი ორგანიზაციის მოთხოვნებს.

6.2. აღნიშნული ნორმიდან ნებისმიერი გადახვევის შემთხვევაში შემსყიდველი უფლებამოსილია არ მიიღოს მოწოდებული საქონელი.

6.3. საქონლის საგარანტიო ვადა შეადგენს, საქონლის მიღება-ჩაბარების აქტის გაფორმებიდან 1 (ერთი) კალენდარულ წელს, რომელიც ვრცელდება წინამდებარე ხელშეკრულების მე-2 მუხლით გათვალისწინებულ საქონელზე.

მუხლი 7. ხელშეკრულების შესრულების კონტროლი

7.1. შემსყიდველის მიერ ხელშეკრულების შესრულების კონტროლი განხორციელდება საქონლის მიწოდების დროს;

7.2. ინსპექტირებას განახორციელებს და შესაბამის ინსპექტირების აქტს ხელს მოაწერს: სსიპ "ახალგაზრდობის სააგენტოს" პროგრამების სააგენტოს" პროგრამების მართვის დეპარტამენტის II კატეგ. უფროსი სპეციალისტი (ახალგაზრდული ღონისძიებების მიმართულებით) მაკა ზურაბიშვილი.

7.3. ინსპექტირება გულისხმობს მისაწოდებელი/მიწოდებული საქონლის რაოდენობის/მოცულობის, ხარისხის, შესრულების ვადებისა და დოკუმენტების ხელშეკრულების მოთხოვნებთან შესაბამისობის დადგენას.

7.4. იმ შემთხვევაში თუ ინსპექტირების შედეგად აღმოჩნდება რომ საქონელი წუნდებულია, მიმწოდებელი ვალდებულია წერილობითი შეტყობინებიდან **10 (ათი)** დღეში გამოასწოროს წუნი.

7.5. იმ შემთხვევაში თუ წუნის გამოსწორება შეუძლებელია და შემსყიდველს გადახდილი აქვს საქონლის ღირებულება, მიმწოდებელი ვალდებულია დაუბრუნოს შემსყიდველს აღნიშნული საქონლის ღირებულება.

7.6. თუ ამ მუხლის 7.4. პუნქტით გათვალისწინებული წუნის გამოსწორების ვადა სცილდება ხელშეკრულების მოქმედების ვადას, მიმწოდებლის მიერ წუნის გამოსწორება, ხოლო წუნის გამოსწორების შეუძლებლობის შემთხვევაში თანხის დაბრუნება უნდა განხორციელდეს ხელშეკრულების მოქმედების ვადის გასვლამდე.

მუხლი 8. საქონლის მიღება-ჩაბარების წესი

8.1. ხელშეკრულებით გათვალისწინებული საქონელი მიმწოდებულად ჩაითვლება მიღება-ჩაბარების აქტის და ინსპექტირების აქტის (დადებითი დასკვნით) გაფორმების შემდეგ.

8.2. მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლების ხელმოწერით.

8.3. იმ შემთხვევაში, თუ მიღება-ჩაბარების აქტის გაფორმების დღე ემთხვევა არასამუშაო დღეს, მაშინ მიღება-ჩაბარების აქტის გაფორმება შესაძლებელია განხორციელდეს მომდევნო სამუშაო დღეს, რაც არ ჩაითვლება მიმწოდებლის მხრიდან ვადის გადაცილებად.

8.4. მიწოდებული საქონლის მიღებას აწარმოებენ: სსიპ "ახალგაზრდობის სააგენტოს" ადმინისტრაციული დეპარტამენტის I კატეგ. უფროსი სპეციალისტი (მატერიალური რესურსების მართვა) გიორგი ბერიძე.

მუხლი 9. ანგარიშსწორება

9.1. ანგარიშსწორება განხორციელდება უნადოდ ანგარიშსწორების გზით ლარში, მიმწოდებლის მიერ წინამდებარე ხელშეკრულებაში მითითებულ საბანკო ანგარიშზე.

9.2. შემსყიდველი იღებს ვალდებულებას გადაუხადოს მიმწოდებელს გაწეული მომსახურების ღირებულება მიღება-ჩაბარების აქტის, შესაბამისი ინსპექტირების აქტის (დადებითი დასკვნით) გაფორმებიდან და ანგარიშგაქტურის წარმოდგენიდან 2 (ორი) საბანკო დღის განმავლობაში.

მუხლი 10. ხელშეკრულების შესრულების შეფერხება

10.1. თუ ხელშეკრულების შესრულების პროცესში მხარეები წააწყდებიან რაიმე ხელისშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამოწვევი მიზეზების შესახებ. შეტყობინების მიმღებმა მხარემ, რაც შეიძლება მოკლე დროში უნდა აცნობოს მეორე მხარეს მის მიერ მიღებული გადაწყვეტილება აღნიშნულ გარემოებებთან დაკავშირებით.

10.2. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების მე-12 მუხლის შესაბამისად.

მუხლი 11. ხელშეკრულების პირობების შეუსრულებლობა ან/და არაჯეროვანი შესრულება

11.1. წინამდებარე ხელშეკრულებით ნაკისრი ვალდებულებების ვადის გადაცილების შემთხვევაში მიმწოდებელს ყოველ ვადაგადაცილებულ დღეზე, დაეკისრება პირგასამტეხლო ხელშეკრულების მთლიანი ღირებულების 0,02%-ის ოდენობით.

11.2. წინამდებარე ხელშეკრულებით ნაკისრი ვალდებულებების ვადის გადაცილების შემსყიდველს ყოველ ვადაგადაცილებულ დღეზე, დაეკისრება პირგასამტეხლო ხელშეკრულების მთლიანი ღირებულების 0,02%-ის ოდენობით.

11.3. თუ ვადაგადაცილებული დღეების რაოდენობა აღემატება 10 დღეს, შემსყიდველი იტოვებს უფლებას ცალმხრივად შეწყვიტოს ხელშეკრულება და მიმწოდებელს დააკისროს პირგასამტეხლო ხელშეკრულების ჯამური ღირებულების 5%-ის ოდენობით.

11.4. პირგასამტეხლოს გადახდა არ ათავისუფლებს მხარეს ხელშეკრულებით ნაკისრი ძირითადი ვალდებულებების შესრულებისაგან.

11.5. შემსყიდველი უფლებამოსილია, მიმწოდებლის მიერ ხელშეკრულების 11.1 და 11.3 პუნქტებით გათვალისწინებული პირგასამტეხლოს თანხის სრულად გადახდამდე და შესაბამისი გადახდის დამადასტურებელი დოკუმენტაციის შემსყიდველისთვის წარმოდგენამდე, არ აუნაზღაუროს მიმწოდებელს ხელშეკრულების 3.1. პუნქტით გათვალისწინებული ხელშეკრულების ღირებულება.

მუხლი 12. ხელშეკრულებაში ცვლილებების შეტანა

12.1. წინამდებარე ხელშეკრულების პირობების ნებისმიერი ცვლილება ან დამატება უნდა გაფორმდეს წერილობით ხელშეკრულების ცვლილების სახით, რომელიც ჩაითვლება ხელშეკრულების განუყოფელ ნაწილად.

12.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

12.3. წინამდებარე ხელშეკრულების პირობების შეცვლა დაუშვებელია, თუ ამ ცვლილების შედეგად შემსყიდველი ორგანიზაციისათვის იზრდება ხელშეკრულების ღირებულება ან უარესდება ხელშეკრულების პირობები, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

12.4. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია თავდაპირველად დადებული ხელშეკრულების ჯამური ღირებულების 10%-ზე მეტი ოდენობით გაზრდა.

მუხლი 13. დავების გადაწყვეტა

13.1. ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკების გზით.

13.2. თუ ასეთი მოლაპარაკების დაწყებიდან 5 (ხუთი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს საქართველოს სასამართლოს.

მუხლი 14. ხელშეკრულების შეწყვეტა

14.1. შემსყიდველი უფლებამოსილია ცალმხრივად, მთლიანად ან ნაწილობრივ შეწყვიტოს წინამდებარე ხელშეკრულება, თუ მიმწოდებელი ვერ უზრუნველყოფს წინამდებარე ხელშეკრულებით გათვალისწინებული ვალდებულებების შესრულებას, ან მოქმედი კანონმდებლობით დადგენილ სხვა შემთხვევებში.

14.2. ხელშეკრულება შეიძლება შეწყდეს მხარეთა წერილობითი შეთანხმების საფუძველზე.

14.3. ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს ხელშეკრულებით განსაზღვრული სხვა ვალდებულებების შესრულებისაგან.

მუხლი 15. ხელშეკრულების მოქმედების ვადა

15.1. წინამდებარე ხელშეკრულება ძალაში შედის მხარეთა მიერ ხელმოწერისთანავე და მოქმედებს 2021 წლის 31 იანვრის ჩათვლით.

მუხლი 16. ფორს-მაჟორი

16.1. წინამდებარე ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით.

16.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაუღალავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველის ან/და მიმწოდებლის შეცდომებთან და დაუდევრობასთან და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით, საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

16.3. მხარემ, რომელსაც შეექმნა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

16.4. მხარეთა ვალდებულებები განახლდება ფორს-მაჟორული მდგომარეობის დასრულებისთანავე.

მუხლი 17. სხვა პირობები

17.1. წინამდებარე ხელშეკრულება შედგენილია „სახელმწიფო შესყიდვების შესახებ“ საქართველოს კანონის შესაბამისად და მასზე ხელმოწერა ხორციელდება „ელექტრონული დოკუმენტისა და ელექტრონული სანდო მომსახურების შესახებ“ 2017 წლის 21 აპრილის საქართველოს კანონის მოთხოვნათა სრული დაცვით და ძალაში შედის მხარეთა ხელმოწერის დღიდან.

მუხლი 17. მხარეთა რეკვიზიტები:

შემსყიდველი

სსიპ „აზალგაზრდობის სააგენტო“
ს/კ: 205382398
მის: თბილისი, ვაჟა-ფშაველას გამზ. 76ბ
ტელ: 230 17 75;
სახაზინო რეკვიზიტები:
კოდი: TRESGE22
ა.ა: 200122900

სააგენტოს ხელმძღვანელი
რევაზ ჩარკვიანი

მიმწოდებელი:

შპს „ბრიკო კავკასუსი“
ს/კ 405067494;
მის. თბილისი, მარშალ გელოვანის N8
ტელ. 032 200 11 11
ელფოსტა: info@bricoramacaucasus.com
საბანკო რეკვიზიტები
სს „თიბისი ბანკი“
ბანკი კოდი: TBCBGE22
ანგ. N GE26TB7009036150100002

დირექტორი
მამუკა დოლიძე

N	დასახელება	CPV კოდი	რაოდენობა/ განზომილება	ერთ. ფასი (ლარი)	სულ ფასი (ლარი)
1	ონკანი UE 187		3 ცალი	134.24	402.72
2	ონკანი UD 140		3 ცალი	140.27	420.81
სულ ჯამი 823.53 (რვაას ოცდასამი ლარი და ორმოცდაცამეტი თეთრი) დღგ-ს ჩათვლით:					823.53

ხელწერილი ინტერესთა კონფლიქტის არ არსებობის შესახებ

ხელშეკრულება: N3-65 (2020წ)

მიმწოდებელი: შპს „ბრიკო კავკასუსი“

მე, ქვემოთ ხელის მომწერი, "სახელმწიფო შესყიდვების შესახებ" საქართველოს კანონის მე-8 მუხლის (ინტერესთა კონფლიქტის თავიდან აცილების პირობები) შესაბამისად, ვადასტურებ, რომ შპს „ბრიკო კავკასუსი“ (ს/კ 405067494) მიმართებაში ინტერესთა კონფლიქტში არ ვიმყოფები.

სსიპ „ახალგაზრდობის სააგენტოს“

ხელმძღვანელი

რევაზ ჩარკვიანი

